

明英宗實錄

卷一一六至一六一
正統九年五月至十二年十二月

明英宗睿皇帝實錄卷之一百十六

正統九年五月庚戌朔內使陳景先送女官吳淑清還揚州索
取府衛白金線段等物及幹私事越期而還上命錦衣衛鞠
實監禁之○辛亥陞都指揮僉事陳友為都督僉事寧夏石泰
將指揮使王榮為都指揮同知復克軍立功陳曉署都指揮僉
事仍聽寧夏總兵等官調遣○命京衛帶俸都指揮同知王昇
賀智都指揮僉事許瑛於大寧都司管事○甯貢州三司官巡
按御史罪初兵部尚書靖遠伯王驥言貴州各衛所官軍肆為
毒害風憲官縮手縮舌如木偶人乃命右副都御史丁璿往理
其弊至是璿案都指揮同知張跪洛瑄僉事侯禮張景左布政
使易節左叅議顧理右叅議汪泳按察使林坦副使朱理李雲
僉事屈仲巡按御史楊剛皆贖職廢事清治其罪上以跪等

犯在赦前命都察院移文責而宥之○靖遠伯王驥等執麓川叛賊思機發男蓋等至京命宥蓋等四人死沒入御馬監養馬餘十二人謫戍口外邊衛○壬子擢進士陳純為戶部河南司主事○命雲南鶴慶軍民府儒學訓導楊應復任應九載秩滿赴吏部生徒數十人言應訓誨有方乞留復任同知趙璫以聞故有是命○命故孝陵衛指揮使鄒興子福羽林前衛指揮使張禮弟永郭能子瑛指揮同知郭罕帖木兒子刺吉金吾左衛指揮同知孫勝弟旺金吾後衛指揮僉事劉玉子聚俱襲職燕山右衛指揮同知胡寬子敬金吾後衛指揮同知劉金子海金吾左衛指揮僉事崔信子通俱代職○巡撫河南山西大理寺左少卿于謙奏河南山西今歲旱災凡一應買辦及夏稅屯糧俱乞停免減徭以寬民力既而山東東昌等衛北直隸真

定等府亦各訴旱災下戶部議宜令各司府州縣該運在京大小二麥及各邊折布者仍舊還納餘本色并折色俱量數停減從之○癸丑免直隸淮安府所屬州縣旱傷夏麥五萬五千餘石○勅雲南總兵官石都督沐昂等曰得靖遠伯王驥及爾等奏議留招賽及其母妻安置雲南并遣頭目刀木立刀怕年歸撫夷民今悉如所言招賽等量加優恤毋令失所刀木立等量與賞賜視以大義令回原管地方撫安妻子人民仍令與恭項等體念朝廷恩待之意同心圖報緝探殘寇思機發父子聲息遇彼出沒乘機擒捕以絕一方之患有功必重陞賞○甲寅端陽節賜文武百官扇及宴○安南國王黎濟遣陪臣程昱來朝貢金銀器皿及方物○扣寧王部下頭目吞罕卜等八十九人來歸賜銀鈔鍊帶表裏等物有差○直隸保定府新安縣言縣

城南古有長溝河西通徐曹二河東連雄縣直沽近為淤土淤塞者數里請發丁夫疏濬從之○致仕兵部左侍郎鄭辰卒辰字文樞浙江西安縣人永樂中進士授監察御史江西安福民有告謀逆者辰往廉之得其証狀抵以罪谷庶人有異謀遣辰陰察其虛實比還太宗召至便殿親詢之辰語其不軌之狀甚悉尋擢山西按察使賜楮幣馳傳之任潞州盜起朝廷欲遣兵往討辰謂此貧民懼徭役竄入山谷間者不宜加兵乃躬往撫諭遂皆安業召陞工部左侍郎奉勅考察雲南四川方面官還潛漕河有言宜自大石關渠通衛河以便行舟辰以勞民奏罷之正統中遷兵部左侍郎兩歷九載以疾致仕至是卒命有司營葬遣官賜祭○乙卯哈密忠順王倒瓦答失里遣指揮把魯等亦斤蒙古衛指揮同知鎖合者烏思藏刺麻加八僧宜等

陝西寧夏衛靈州土官指揮韓鵬俱來朝貢馬賜宴及絲帶表
裏等物有差○降工部右侍郎邵昱為廣西柳州府知府昱坐
侵盜官物事覺下獄當為民既而遇赦又以丁母喪去至是服
闋吏部以為言 上曰昱職居大臣不耻穿窬玷污朝列其陞
黜外職○陝西金山迤東等處達賊入寇指揮金事戶楠等八
十九人俱陣亡命有司致祭仍恤其家給賜銀兩絹布等物有
差○降河南按察司僉事孔諤為雲南廣南府通判諤因公杖
殺人例輸贖還職吏部以為言 上曰諤用刑過暴不可復任
風紀其降黜之○丙辰南京鷹揚衛帶俸署都指揮金事歐琦
老疾以其子剛代為指揮同知○丁巳革廣東韶州府英德縣
河泊所○戊午琉球國使臣梁回進貢還奏乞一海船以便歲
時朝貢從之○禮部尚書胡濙年七十乞致仕 上念先朝舊

臣況精力未衰特留任事○戶部言本部先委官驗視永平并山海衛倉麓雜鹽糧今已驗實其納米客商五百五十二人宜行各原籍追問罰米官揭斗級人等二百九十九人俱官治罪上曰若一緊提問折罰不免累及良善客商其宥之官揭人等聽巡按御史鞠治奏聞處分仍戒所司今後收糧有不如法者俱重罪不宥○已未廣東按察使郭智奏沿海備倭官軍宜以每月朔望於小海內駕船操習水戰從之○刑部郎中郭恂劄外郎陸瑜奏蒙推遷臣等富南北直隸獄囚乞令法司錄付重獄原詞以憑詳審其已辯者暫釋桎梏聽候裁決若理刑官有受財枉法者文職五品以上亦乞許臣執問上俱從之但令已辯重獄仍鞫禁之○刑科給事中陳傳以天下數獄既皆命官會鞫請兩京亦如之上命左副都御史張琦往南京命刑

糾給事中王鐸同三法司堂上官錄在京者三法司復搜例請
內官會錄不允既而琦在道疾甚以刑部侍郎馬昂代為○庚
申巡按陝西監察御史蔣誠奏肅王驍煥披髮持杖登城請治
承奉長史等官防護不嚴之罪上雅知王患風宵之不問○
大同總兵官武進伯朱冕等奏大同地方廣遠密邇敵境近年
胡虜驕矜往來之間多縱虎橫難云通好其實懷毒所宜預加
兵備今本處軍馬止有二萬四千六百餘人內分天城等六處
守備外左叅將石亨等願四千人守備東西二路餘存大同若
居常無事則可倘賊勢奔突分寇恐策應不給況馬隊尤火師
旅之興步軍持重守營而馳驟追勦克敵制勝惟馬是賴請以
大同原調步軍二千四百人往山西行都司屯田者仍舊遣回
選其半為馬隊更於山西河南操備步軍內選一千五百人為

馬隊赴京願馬分中東西三路操練庶軍威大振戰守無虞從之○辛酉 仁宗昭皇帝忌辰遣官祭 款陵○命刑部右侍郎丁鉉復職以母喪服闋也○鎮守陝西都督鄭銘等奏陝西屯軍選操在城者先已准給糧賞今戶部以屯軍戶有人丁代種田者欲止不給緣陝西連年亢旱餘丁子粒尚且負欠正軍供給復何所需乞仍舊給賞為便 上曰陝西天旱軍士艱難應得糧賞仍與之○壬戌給代府靈丘王遜炈銀米歲二千石米款兼支○給賜興安侯徐亨平鄉伯陳懷招遠伯馬亮忠勇伯蔣信誥券追封三代○大理寺左評事王亮奏凡坐偷盜充軍邊衛者率多逃亡無益邊備乞改內地刑部議此類如充軍內地是待以姑息餘無警懼亮言難從 上是之○初浙江湖州府烏程等五縣俱被水患有司遲於申報其該徵糧草不得

除謫戶部復移文促完巡撫侍郎周忱言如此則民愈困矣乞
折徵銀從之○癸亥陝西西安衛致仕百戶王聚奏子璽見任
百戶被參改年富酷刑蠶死富奏指揮胡昇等噬聚陷已至是
巡按御史等官言聚自誣富富妄奏昇自鎮守總兵至府縣官
又皆上疏為富伸理且盛陳富足邊公勤有方上命宥富罪
但停俸三月○大理寺左寺丞廖莊言直隸軍民詣京陳訴似
非驀越而法司有如例論充軍者有如例論以贖徒者坐罪同
而援例殊上詰問法司都察院言波朝廷機密重事者非越
訴小事擅動竇封募人轉遞主使教唆誣捏者為越訴今論贖
徒者告大惡也論充軍者告小事也莊所言者乃直隸德州衛
軍姜肆見告本管千戶楊衍科歛小事今赴京是為越訴上
曰贖徒者所告雖大惡然豈機密重事充軍者亦豈例意例明云

小事擅動實封券人轉遞主使教唆誣捏者為越訴充軍兩等不之詳察以論不告親管上司者及朕詰問又多飾詞論法不可恕今姑識之後此更爾致刑罰失當必罪不宥○巡按直隸監察御史吳鑑按漕運官酷虐軍士之罪 上命都察院治之且曰漕運官恣肆總兵官何不禁約其檄責武興軍戒其毋仍縱官虐人○巡按四川監察御史陳員韜等奏番寇著火等糾衆劫殺軍民臣等令指揮使徐貴同副師商已等往各寨諭之已從撫化然蠻性不常宜嚴守備松潘南先結溝等處皆賊人山沒要路請設平夷靖夷善安三堡各撥官軍二百五十人守之半歲一更其鎮守官都指揮僉事王杲高廣請令一員巡視各關堡往來提督一月一更庶兵備整飭又按察司僉事朱良巡察邊務魚理糧事然地里遼遠不能周歷請設布政司官一

員督糧 上曰番人雖已從化方面官仍以時巡視盡心整飭
遇有不靖即與王采等相機撫捕毋貽邊患管糧設恭議一員
吏部推選以聞○夜月食○甲子先是命文武大臣舉京衛及
各都司衛所武臣五府同兵部試以弓馬及策問得其優者指
揮使許貴正千戶朱敬副千戶韓鑑百戶施能吳誠中四矢以
上者署都指揮僉事李貴指揮陶瑾等十七人千戶張諒等四
人至是太保成國公朱勇等第其名以聞 上命許貴等五人
陞署職二級餘陞署職一級仍從朱勇等提督操練以俟擢用
○乙丑命工科給事中白琮掌本科事○命湖廣德安府經歷
張孟昇復任陞正七品俸孟昇九載秩滿去任屬民數百人累
章保其律已奉公祛革姦弊乞留復任事下巡按御史并布按
二司覆驗其實故有是命○丙寅命故前軍都督府布都督韓

僖子銘襲為指揮使○陞哈密衛都指揮使脫脫不花為都督
僉事從忠順王倒尾答失里奏請也○丁卯命刑部右侍郎丁
璠光祿寺寺丞呂泰往四川備運茶課時戶部奏陝西西寧河
州洮州等衛所屬各番族番民例應三年一次納差發馬一萬
四千五十餘匹合用茶償其價宜預遣官往四川保寧等府備
運茶赴陝西西寧等茶馬司交收以俟故有是命○江西饒州
府造青龍白地花缸瑕瑣不堪太監王振言於上遣錦衣衛
指揮往杖其提督官仍勅內官齎牒赴饒州吏造之○巡按山
西監察監御史吉慶奏山西布政司鹽贍庫內官缺六千餘萬
朽爛成灰臣見本處每歲買辦并折俸賞給支數不敷不知比
先緣何不依次支給以致無用寧非經該官攬作弊乞差官查
理追寃又山西存留太原府大盈倉糧一十餘萬正欲供給軍

士近體得提調及官攢人等通同作弊多將隸批中半歲米一
縣混收軍士不得養贍乞勅該部委官看驗若有虧折責監收
官陪償庶有所警奏下戶部議請差官一員往同布按二司官
查理看驗追陪上以差官恐致勞擾就令巡撫火卿于謙整
理倉糧果多不堪支用奏來區畫○戊辰陞戶部廣東司主事
高鵬為工部都水司郎中專理河渠○賞左叅將都督楊洪等
官軍八千一十四人絲帶銀兩絹布有差以迤北殺賊功也○
命給罕東衛已故都指揮同知緯兒加男賞卜兒加茶百斤米
二十石麻布二十五疋時賞卜兒加以其父故齋番文告乞齋
糧食茶行都司以聞上以緯兒加嘗効力邊鄙宜有恤典遂
允所請○乙巳琉球國王尚忠遣通事蔡讓等占城國王摩訶
賁該遣使臣芑留該等俱來朝貢馬及方物賜宴并絲帶等物

有差○給大同馬隊官軍馬二千七百匹○復設廣東肇慶府四會縣稅課局以本縣奏復設之使也○華湖廣郴州驛以山深路僻使客不經故也○庚午韓王罷祀薨王韓恭王第三子母八人鄭氏正統二年封開城王八年襲封韓王至是薨享年二十有五訃聞上輟視聽三日遣中官致祭謚曰懷命有司營葬事○靖江王府輔國將軍贊俊卒祿米例應位吏家口八十餘人無所仰食廣西布政司以為言上命給之如故○雲南總兵官右都督沐昂等奏緬甸黨散賊首思機發謫詐萬狀欲再興師征勦緣海隅地僻情險蜀岡未易攻克况軍民連年征進財力困弊兼以旱澇相仍糧餉亦乏未可輕舉其麓川未降頭目恭項等嘗為我軍鄉道深入戡剿擒其妻孥已與地方分守宜令緝捕思機發仍遣土官數人往木邦宣慰軍蓋法遣

人同至緬甸論以禍福俾傳獻職首仍令管束夷民若同拒朝
命候擇餉有積軍民火起再議進取之策上從之○辛未勅
諭刑部右侍郎馬昂及南京三法司堂上官曰朕惟刑乃國家
輔治之具重刑允民命所關肆即位以來祇體天地好生之
心祖宗仁厚之政赦過宥罪悉從寬典數戒中外法司務存
欽恤毋事深刻期在刑當其罪善知所勸惡知所懲近聞囹圄
中重獄頗多蓋爭訟者惟構詞以圖誣陷鞫獄者或智識有所
不周毫釐之差死生之決天鑒孔昭朕心惓切在外囚繫已
命巡按御史及按察司官清理况犴轆之下豈容寬濫今特命
爾昂前去南京會同三法司堂上官審實諸司重囚其間果有
情輕而議重者有情可矜法可疑所司徇於成案不與分辯者
並與審覆具實奏聞以憑處置爾等宜同恻愍慮必公必明必